

112 年全國語文競賽原住民族語朗讀 【卡那卡那富語】 高中學生組 編號 3 號

cumai **narisuvu**

miana, 'una tassa kinvara, tati'ingi pa cenana. '**acu** cimuru mu'uma
mamarangu in. atai'un tanasa kinvara. miaa tia **arapiningi** cuma mataa cina
ia, tuturuun nguani kana'ua. "noo koo pa patirupangu putukioa '**uma** ia,
manasu tia kim mutaru'an. kana'ua kasu, patimanunguo **miacara kanarua**
musu. noo si'icupu rovana ia, patimanunguo si'inuva mataa tasinuva
pi'inuvu" misee. masirupangu mucanu cu.

matarava cu rovana. tupuru na si'inuva kinvara, tia kani
maritaru mamarangu in pui'i tanasa. miaranau cu maritaru. mapitu'u cu
kakangca. surumu cumacu'ura na araceni 'una
sinangu. 'esi 'apu'iaru aracapici. makasi kana'ua: " 'aa!
cu'urao 'uringi 'apuru isa, manasu nipui'i cu mamarangu mita." aracapici cu
sinangu **isua**. ka'anuvava 'apuru, takuripa 'esi mingane. masarumpu cu
nguani. pi'inuvu si'inuva matasa'ai cu tassa si'icupu.

koo miaranau. tumatimana kana'ua na **pipiningi**. makai 'una 'esi
kakurungu riang. kesoniun kana'ua: "neni 'esi pipiningi kakurungu?" "manu
maku! **ikamu** tamna cina sua iku. pakavura! putu'unuvuo si'inuva." marivari

na pipiningi riang. arivariun kana'ua: "riang musu, makai marangu sarunai.
ka'anu makasia cina maku tamna riang".

" u'u! cina mu sua iku! vurungana cu, pakavura putu'unuvu,
masarumpu cu ku." niarati'ingai riang marivari. makai cu nanaku tamna
kari. koo cu kesoni sua kana'ua arataru putu'unuvu si'inuva. pui'i
matasa'ai na tataru, si'icupu cu. ta'urum capai 'aningu **isua**, takacicini cu
mu'aravang.

maca'ivi ti'ingi takananga. mapitu'u pa **mesua**. arataru kana'ua,
matisapusapu tia tikirimi kanarua. ukurun kee tino'unaa tataru, "ia'aa! '**acu**
nanu kanarua? miseni 'akia nesi?" marivari 'aningu ta'urum makasi,
" **mikacaru** na tisikara si'icupu." maka'una kana'ua matisapusapu. nakai
cucuru 'akia! "ka'anu kasu cina maku! nikunu musu kanarua maku!"
marivari 'aningu **isua**: "kanarua kisaa musu! 'esi na vucuku maku."
tumatimana kana'ua kari **isua**, makacang manguru **arapining!**
takutavaru'u cu, sua ta'urum 'aningu **isua** ia cumai. ka'anu cina maku.
caraini kanarua maku, koo maku patimanunguun miacara! karakasua!

說謊的熊

以前有兩位兄弟，年紀還很小。他們的父母親要去山上工作，兩位兄弟必須留在家裡。爸媽出門時，交代哥哥要好好照顧弟弟。晚上睡覺，要把門窗關好，說完後父母親就離開上山。

到了晚上，兄弟倆坐在門前等父母。等了很久，天色暗了。突然間看到遠方有亮光在緩慢的接近，哥哥：「看！那火把會不會是父母回來？」原來不是火把，是螢火蟲在飛行。他們把門關上躺下來睡覺了。沒過多久，哥哥聽到外頭好像有聲響！

哥哥大聲問：「誰在發出聲響？」「我是媽媽，快點開門！」哥：「你的聲音像老老的男生，不像媽媽的聲音。」「沒錯！是媽媽。已經深夜了，快點把門打開，我已經睏了！」聲音變的細小，像媽媽的聲音。哥哥起身把門打開，回到床上睡著了。黑影也進到房間。

過了一會兒，哥哥起來找弟弟，弟弟到哪去了？怎麼沒有在這裡？黑影：「在裡面睡著啦！」哥哥再度摸索，弟弟就是不在！「你不是我媽媽！我弟弟在哪裡？」黑影：「你弟弟已經在我的肚子裡了。」哥哥立刻逃出門，那個影子是黑熊，不是媽媽。「可憐的弟弟啊！我沒有好好的保護他！」